

28.02.2014



Jučer je održana peta redovna sjednica Ekonomsko-socijalnog vijeća BPK Goražde na kojoj se našlo sedam tačaka dnevnog reda. Nakon usvajanja Zapisnika sa četvrte redovne sjednice prešlo se na rad i raspravu po tačkama dnevnog reda.

Prva tačka koja je bila razmatrana je Izvještaj o radu Ekonomsko-socijalnog vijeća za 2013.godinu u kojem se navodi da je u izvještajnom periodu održano 5 sjednica, što je kako se zaključilo solidan broj održanih sjednica u situaciji kada Vijeće nema svojih prostorija niti zaposlenika, kako je predviđeno Sporazumom o osnivanju i da najveću podršku oko rada i pripreme sjednica daje tehnička služba Udruženja poslodavaca BPK Goražde. Zaključeno je da će Vijeće u narednom periodu posebno nastojati da obezbjedi obaveznosti javne rasprave i učešća socijalnih partnera kod predlaganja i donošenja Budžeta BPK Goražde i kontrole njihove raspodjele i potrošnje, te obezbjediti učešće u donošenje izmjena, dopuna ili novih zakonskih rješenja iz oblasti radnog zakonodavstva, politike zapošljavanja i dr.



Usvojen je i Program rada Ekonomsko-socijalnog vijeća BPK Goražde za 2014.godinu čije donošenje je predviđeno Sporazumom o osnivanju Vijeća a sve u cilju vođenja ekonomske, socijalne i razvojne politike, te afirmisanja i zaštite ekonomskih i socijalnih prava i interesa zaposlenika i poslodavaca, te razvijanje sistema kolektivnog pregovaranja.

Po pitanju tematskog dijela predviđeno je da se razmatra 44 tačaka koje su uglavom iz Programa rada Skupštine i Vlade BPK Goražde i zaključeno je da će se praviti tačke dnevnog reda iz tih oblasti sve u cilju kvalitetnog rada i zajedničkog uticaja na određene dokumente na obostrano zadovoljstvo.



Sagovornici i predstavnici učesnika u radu Ekonomsko-socijalnog vijeća BPK Goražde, predstavnici opština i gradova učesnika u radu Ekonomsko-socijalnog vijeća BPK Goražde.



Tehnička služba